

յայտնեցին, և Յովսէփը, որ այդ միջոցին Աժտարխան էր, փութաց գնալ Պետերբուրգ միջնորդելու նրանց համար, ուր և հասաւ 5 օգոստոսի 1799 ամի:

«Պոտեօմկին իշխանը», գրում է եպիսկոպոսն իւր յիշատակարանում, «մեր գալստեան լուրն առնելով իսկոյն իւր մօտ հրաւիրեց մեզ, երկու ժամ խօսակցեց կրօնական խնդիրների, եկեղեցական ծէսերի, զգեստաւորութեան ու զարդերի և իմ մասին. շատ սէր ու յարկանք ցայց տուաւ մեզ և հրամայեց զալ հետեալ օրը Քրիստոսի Այլակերպութեան եկեղեցին, ուր տաճարական տօնի առթիւ ներկայ պիտի լինէր Վայսբուհին: Եկեղեցում խորան հրաւիրեցին ինձ: Վայսբուհու ժամանելուն պէ՛ս՝ ես իշխանի ցուցման համեմատ արքայական գունից գուրս գալով, գլուխ տուի Վայսբուհուն. իշխանը զեկոյց նրան իմ մասին: Պաշտամունքից յետոյ Վայսբուհին խորան մտաւ և ժպտալով ողջունեց ինձ:

Վայսբուհու ողորմած ուշադրութիւնը Յովսէփ արքեպիսկոպոսին և վերջնոյս սերտ յարաբերութիւնները Պոտեօմկին իշխանի հետ հայ գաղթականների վիճակի գլխացման նպաստեցին. նրանք ոչ միայն տեղ ստացան Ռօստովի մօտերքում 'Իօն գետի վրայ, ինչպէս որ կամենում էին, այլ և մի առանձին արտօնագիր չնորհուեցաւ նրանց: «Ես իմ խընդրածից աւելի ստացայ», գրում էր Յովսէփ սրբազանն իւր յիշատակարանում: Բարձրագոյն հրովարտակով 'ի 14 նոյեմբերի 1779 ամի առ «Մեր ամենաշաւատարիմ Մարկոսեան Պետրոս վարդապետն և ամբողջ հայադաւան զրիմեցի Հայ հասարակութիւնը» հրաման ելաւ «հայերի յարմարագոյն բնակութեան համար տալ նրանց Ս. 'Իմիտրիյ Ռօստովցու բերդի գաւառը՝ ուրոյն միւս գիւղերից...»: «Բարձրելոյ աջը թող ձեր բարեմիտ ընդհանուր ձեռնարկութիւնն օրհնէ», գրում է Վայսբուհին... «հաճ և հաւան ենք ոչ միայն ձեզ բոլորիդ Մեր գթառատ հովանու ներքոյ ընդունել, հապա և Մեր սիրասուն զաւակների պէս սփռփել և այնքան բարեկեցիկ անել ձեզ, որքան որ այդ կախուած է մահկանացուի փափագից և Մեր անընդհատ հօգատարութիւնից...»: Հրովարտակի 4-րդ յօդուածում ասուած է՝ «Ամենողորմածաբար յանձնարարում ենք Պետրոս ծայրագոյն վարդապետին հովուել իւր հետ Ղըրմից ելած բոլոր Հայ ժողովուրդը, և թոյլ ենք տալիս նրանց եկեղեցիներ և զանգալատուններ շինել և ազատօրէն ամեն պաշտամունք կատարել